

Gratioss

CHRISTO: & CHRISTINÆ:

ILLI sVperno REGI: HVIC SVeCICæ REGINÆ:

ILLI DatorI: HVIC faVITRICI paCIs,
ereCta statVa!

Das ist:

Auffgerichtete zu Dancck/ vnd Gebett

Dancck-Heule.

1. Sonnetto.

Dancket alle **GOTT**/ der grosse Dinge thuet
im Himmel/ auf der Erd/ im Meer/ an allen Enden!

GOTT höret das Geschrey/ vnd fragt nach vnserm Bluth:

Schafft vnser Grenzen Fried/ in allen dreyen Ständen:

Er bricht des Feindes Schwert/ vnd stolzer Krieger Muth.

Nun jauchzet alle Welt/ frolocket mit den Händen!

Von Mutter Leiben an/ thuet Er viel Unglück wenden/

Erhält vns lebendig/ vnd thuet vns alles Gut.

Er geb' ein frölich Herz vns/ in Gottseligkeit:

Vnd verleih' immerdar zu vnser Lebens Zeit

in seinem Israel/ an Leib vnd Seele Frieden:

Das seine Gnad bey vns / mit Wort vnd Sacra-
ment /

Bleib': vnd erlöse vns an vnser Lebens End/

bis vnser Leib vnd Seel komb in die ewig' Hütten!



2. Ode